

第貳甲第捌拾名

殿

試

應



舉

人

臣
張敬脩

特別

リ8

7648

應


殿試舉人臣張敬脩年貳拾捌歲湖南長沙府善化縣人由府學附學生應道光

捌年鄉試中式由舉人應道光拾伍年會試中式今應

殿試謹將三代脚色開具於後

一 三代

曾祖瀾本 祖祖綬 父厚澤



臣對臣聞慎德者圖治之原講武者衛民之要安良則道
歸除暴利運則道在治河稽諸載籍易占凝命書勗止齊
禮重悅安傳稱輸粟崇規茂矩秩然具賅自古聖人乘乾
御宇錫福臨宸幾康有勅訓練有條教化有方飛輓有道
莫不以端本善則之思為握符闡珍之用由是允恭允塞
而宸修懋焉載橐載戰而武功成焉遵道遵路而邳治隆
焉達淮達河而運道通焉廓帝治恢皇綱所為元澤旁流
仁風遠被醇洪堯之德豐茂世之規者恃有此道爾欽惟
皇帝陛下德侔疇載治紹羲軒握玉鏡以綏猷膺璇圖而布化
固已學徵純粹而績著攻同極協蕩平而財裕委積矣乃
聖懷沖挹葑菲不遺景邳治之隆儀冀芻言之可采進臣等於
廷而策之以敦聖學昭戎行整民俗利轉輸之至計如臣愚

昧何足以知體要所存顧當周咨下逮之時敬念拜獻先
資之義敢不勉述所聞用效土壤細流之一助也乎伏讀
制策有曰治法所隆端歸敬德而因遠溯乎唐虞此誠久安長
治之要圖也臣惟自古帝王允迪厥德未有不謹小慎微
者矣三代而下如漢之文景唐之文皇稱極盛焉而治終
不及古夫大學之教統內聖外王而歸於修身誠以帝王
之道不外主敬主敬之功不外存誠惟敬則勿敢慢惟誠
則勿敢欺誠敬合而主極於是乎立也且夫保泰之道在
於謹幾故寬信敏公詳於論語謂清淨可以致治而高談
名理者或長浮華謂兢業所以揆幾而衡石傳餐者難言
政體蓋立綱陳紀以有為者振其機而恭已垂裳以無為
者端其範周官為致太平之書而首之曰以為民極三行

三德所以建極也六典六職所以錫極也至於四方和會
六幕恬熙下有歸極之化上切保極之忱本之格致誠正
推之位育經綸揭其要在乎誠惟立極所以安民安民必
先明道明道必先精心一意道心存則兢業匪懈人心去
則逸豫不生斯為嚴祇敬而諧臣鄰勅安止而應徯志矣
皇上乾惕為懷勤求上理治統與道統一貫洵哉立隆千古也
制策又以古者文德誕敷不忘武備而因思所以詰戎治兵之
道臣謹按周官立政特訓詰戎兵可百年不用不可一日
不備古有蒐苗獮狩之法所以嫻步伐習威儀也漢有都
試都肄都講疆劉諸制唐太宗親臨閱射於顯德殿賞勞
有差誠以訓練諸政為亟亟也宋之沈括論九軍陳法臧
景陳馬射六事明于謙十營之改團操聿創其議王驥五

法之詳練兵特定其規蓋督率有素則弓馬技藝皆熟嫻
校閱有恒則鄉勇團練皆裨益而況水操始於漢之習樓
船火器始於金之用鐵鉦用兵不一方惟一兵有一兵之
用則老羸有以汰惰窳有以懲器械有以精伍兩有以協
訓練之責不在兵而在將惟得其人則無游惰募補雜役
濫充之患於以練膽練藝練陣練地練時其道無不裕於
平日是在有統兵之責者隨時鼓勵盡心簡閱勝兵自多
戎政自肅庶不致有缺額之虞而克免虛糜饗食之弊也
皇上萬幾之暇時御弧矢於侍衛禁兵必躬親校閱矣而復奉
諭旨諄詳以督撫提鎮宜操演稽查誠偃武而不忘乎武備也
制策又以糧莠不去嘉禾不生而因思所以除害安民之道臣
謹按左道之誅王制特嚴其法奇袤之禁周禮特設其條

夫愚民莫不自重其利自愛其生一惑於邪說而金錢取
以奉人身家置之不顧此由守土之吏化導不先其初視
為無害姑息養奸其後懼干嚴譴隱匿不報則為長吏者
糾察宜密矣漢之亭長嗇夫唐之里正坊正皆以里閭相
習之人察耳目至近之事猶有閭胥比長遺意故詰奸之
法莫善於保甲然王安石行之於宋而民不勝擾王守仁
行之於明而盜無所容張敞之治京兆尹翁歸之治東海
枹鼓稀鳴姦邪震懾發奸摘伏自昔已然果董率教化之
有方俾民各得其孝弟忠信之理生其禮義廉恥之心以
全其同具固有之天良豐衣足食既有以厚民生禮樂詩
書復有以正民德父兄師長之訓迪耳聞目見之漸摩奇
邪之說何由得而蠱惑之蓋民之休戚在守令誠能大法

小廉不戾於清慎勤之訓則承流宣化反樸還淳可幾矣
皇上幾康有勅德教覃敷所由鼓舞萬民者豈非甚盛治也哉
制策又以漕運所關至鉅而因詳稽歷代治河之法此萬世所
永賴也臣考禹貢州未繫河即唐裴耀卿節級轉輸之所
由昉而治至漢唐而大備漢仰漕於山東唐仰漕於江淮
引渭穿渠之謀見於武帝之世沂河入渭之說見於代宗
之後漕糧為天庾正供輓粟飛芻歲有常額顧踰江淮而
達京師者南則患河身之高仰清水不能敵黃北則患河
流之微弱湖水不能濟運治河先於治漕啓閉之節疏濬
之宜瀦蓄之利昭然可覩也夫古之治河者止一河耳今
則合淮與漕治之考爾雅河出崑崙言河源者如張騫薛
元鼎諸人凡皆不能得其實而全淮之水入清口入海而

達之江誠有以固東南之保障導糧艘之關鍵也自在善
河工者因時度勢或設磯嘴以禦其衝或修月隄以防其
潰或挑引河以殺其流而其大旨不外助淮以敵黃使淮
治而河亦治合黃淮以治漕使黃淮治而漕亦治則水得
適行而帑歸實用所以輓渡利漕之法誠修舉無遺矣我
國家歲賦正供不惜帑金以修漕道恬波濟運萬年之福也
若此者握嘉履翼主極端矣稱戈比干戎經飭矣蹈德詠
仁輿情洽矣安瀾導滯水利通矣崇稽古之宏道闡長世
之善經揚洪輝播芳烈洋洋乎邛治之上儀也臣尤伏願
皇上治益求治安益求安神聖已頌而愈切修來烽燧已銷而
彌嚴捍衛不因鬼域已戢而忘教化之思不因轉輸已通
而弛疏濬之力紹清和於帝猷聯顯懿於王表沐浴福應

宅心醇粹勤屢省懋乾乾總八方而為之極於以上暢九
垓下泝八埏藹若熙春歡臚函夏以迓蕃釐而賡多福我
國家億萬年有道之長視此矣臣末學新進罔識忌諱干冒
宸嚴不勝戰慄隕越之至臣謹對

印卷官

禮部祠祭清吏司額外主事臣開泰

禮部儀制清吏司候補主事臣王懿德

卓陳吳姚文史潘長

〇〇△△△△△△

卓陳吳姚文史潘長
〇〇△△△△△△

醫

Red seal impression, likely a collector's or library's stamp, located near the bottom center of the page. The text within the seal is in Chinese characters, arranged in a grid-like pattern.

紅印文字，位於書頁底部中央，呈三列排列，內容為「上海圖書館藏」。

彌封官關防

彌封官關防

第貳甲第捌拾名